

Ceacht Cré le Ranganna 1 go dtí 6 'Pota a Phriocadh' Gemma Mc Girr

<u>Snáth Curaclaim:</u>	Cré (Curaclam Amharcealaíona lch. 36, 54, 72)
<u>Cuspóir:</u>	<i>Potaireacht shimplí a dhéanamh (lch. 36)</i> <i>Potaí simplí cré a dhéanamh (lch. 54)</i> <i>Potaireacht agus dealbhadóireacht shimplí a dhéanamh (lch. 72)</i>
<u>Nasc:</u>	Péint agus Dath > Patrún agus rithim a fhionnachtan in ábhair nádúrtha agus saorga agus úsáid chuspóireach a bhaint astu ina chuid/cuid oibre (lch. 50) <i>An gaol atá idir an dóigh a mhothaíonn rudaí agus a ndreach a fhiosrú (lch. 68)</i> Líníocht > Cruth a iniúchadh mar a fheictear é in ábhair nádúrtha agus shaorga agus cruth na scáileanna a theilgean ábhair a thabhairt faoi deara (lch. 30)
<u>Féidearthachtaí Imeasctha:</u>	<i>Stair: Luathdhaoine agus Pobail Ársa: Dul i dtaithí ar ghnéithe de shaol na ndaoine seo (lch. 48, 67)</i> <i>Leanúnachas agus Athrú thar Am: Staidéar ar ghnéithe d'fhorbairtí sóisialta, ealaíonta, teicneolaíochta agus eolaíochta thar tréimhsí fada (lch. 71)</i>

An Ghníomhaíocht seo a Fhorbairt sa Rang:

Ag tosú: Sula dtosaím rang ealaíne sílim gur mór an chabhair í cleachtadh beag a dhéanamh leis na leanaí chun a gcuid samhlaíochta a scaoileadh saor agus chun timpeallacht shábháilte a chruthú sa seomra ranga dóibh ar mhaithe lena saothar a thaispeáint agus a phlé gan eagla ná náire. “Nuair a bhí mise i mo leanbh d’fhéadfadh sé sé sheachtain a thógaint orainn grianghraf a chur chuig mo chol ceathracha san Astráil. Is féidir linn grianghrafanna a sheoladh anois i gcúpla nóiméad le fón póca! Is féidir é seo a dhéanamh mar gheall gur bhain daoine úsáid as a gcuid samhlaíochta. Is féidir le rud ar bith tarlú inár samhlaíocht má ligimid dó! Dún do shúile agus samhlaigh doras mór. Tig le dath ar bith is mian leat a bheith air. Scríofa i litreacha móra ar an doras tá an focal SAMHLAÍOCHT. Síin amach do lámh agus oscail an doras go mall, scaoil amach do shamhlaíocht! Oscail do shúile agus lig dom an loinnir a fheiceáil iontu! Is féidir linn ár rogha rud a dhéanamh anois, tá ár samhlaíocht ag obair agus is duine ar leith gach duine dinn!”

Ábhair Riachtanacha: Cré potaire
Cláir adhmaid nó cárta láidir (chun oibriú air)
Uirlisí cré nó cipíní líreacáin
Péinteanna póstaer nó acrailic (le maisiú nuair a bhíonn siad tirim)
Buicéad plaisteach le clúdach teann, nó málaí plaisteacha chun an chré a stóráil

Spregadh: Taispeáin bailiúchán potaí, muigíní, babhlaí nó soithigh cré eile do na leanaí. Lig dóibh iad a láimhseáil agus na cruthanna, na huigeachtaí agus na maisiúcháin a fheiceann siad a phlé. Más féidir taispeáin pictiúir nó sleamhnáin de photaireacht as tíortha agus ó amanna eile dóibh agus spreg na leanaí chun cainte faoina bhfeiceann siad.

Gníomhaíocht: Tabhair liathróid chré do gach leanbh de mhéid a bheadh compordach ina lámh. Lig dóibh iad a rolladh idir a mbasa sula mbrúnn siad an dá ordóg síos trí lár na liathróide. Trí na hordóga a bhrú amach go mall, tosóidh na leanaí ag doimhniú agus a méadú an phoill atá déanta acu. Spreg na

leanaí chun é seo a dhéanamh go mall, ar eagla go mbrúdh siad a n-ordóga amach tríd an chré. Tríd an chré a phriocadh agus a rothlú go réidh beidh balla cothrom cré tógtha acu. D'fhéadfadh go leor iarrachtaí a bheith ag teastáil sula mbíonn na leanaí sásta lena bpotáí. Má fhaigheann siad an t-am chun triail a bhaint as an modh seo, déanfaidh siad cruthanna spéisiúla agus beidh siad in ann iad a mhaisiú, agus uigeacht nó marcanna a chur orthu mar is mian leo.

Measúnú/Ag Amharc agus ag Freagairt:

Beidh sé seo ag tarlú agus na leanaí ag obair. Féadfaidh na leanaí a seal a thógáil chun cur síos a dhéanamh ar na potaí atá déanta acu agus conas a mhaisigh siad iad. Spreag na leanaí chun freagairt do photaireacht atá déanta anseo in Éirinn agus do phictiúir do photaí as cultúir eile ar nós potaireacht Moche.

Gníomhaíochtaí Breise:

Is féidir potaí prioctha a iompú bun os cionn chun nithe spéisiúla a dhéanamh.... má chuirtear píosaí leis cad a dhéanfar as? Má bhaintear píosa as, cad a dhéanfar as? Má chuirtear dhá phota prioctha le chéile cad is féidir a dhéanamh astu? D'fhéadfadh na leanaí na potaí a cheangal le chéile le sleamhán chun créatúir spéisiúla tríthoiseacha a dhéanamh.

Féidearthachtaí TCF: http://www.handsoncrafts.org/vp_frame.htm

Suíomh idirghníomhach é seo inar féidir le leanaí pota a chruthú ar líne (tá Shockwave riachtanach).

Ag baint úsáide as an DVD

Is Ealaíontóir mé:

Tugann na cláir *Cré* ar an DVD deiseanna chun leanaí a fheiceáil agus a chloisteáil ag úsáid cré mar mheán chun iad féin a chur in iúl go samhlaíoch. Is féidir leat an leanbh a fheiceáil agus a chloisteáil ag cur síos ar an bpotá agus ar an scéal iontach atá le hinsint aige.

Nóta:

Fuair mé amach gurbh fhearr sprae plandaí a úsáid chun an chré a choinneáil tais agus na leanaí ag obair. Coinnigh do shleamhán i soitheach aerdhíonach lena úsáid arís. Má tá péinteanna póstaer á n-úsáid chun na potaí a mhaisiú, is féidir iad a phéinteáil le PVA chun bailchríoch snasta a chruthú.

Ealaíontóirí Ábhartha: Potaireacht Mosse
Potaireacht Moche
Potaireacht Bridge

Suíomhanna Idirlín Ábhartha:

Foghlaim faoi phobal ársa Moche agus a gcuid potaireachta
<http://www.museum.upenn.edu/Moche/mocheculture.html>

Féach ar photaireacht Nicholas Mosse
<http://www.nicholasmosse.com/patterns/>

Féach ar dhearthaí ag Potaireacht Bridge
<http://www.bridgepottery.com/JustBrowsing2.html>

Is tairseach é Scoilnet chuig suíomhanna atá úsáideach sa seomra ranga
<http://www.scoilnet.ie>